

ՀՀ Շիրակի մարզի ընդհանուր իրավասության առաջին աստիճանի
դատարանի դատավոր՝ Հ. Մովսիսյանին

թիվ ՇԴ/0072/01/15 քրեական գործով տուժողի իրավահաջորդ՝
Անդրանիկ Պողոսյանի ներկայացուցիչ՝
Արթուր Ալբերտի Սաքունց
Հասցե՝ ՀՀ, ք. Վանաձոր, Տիգրան Մեծի 59

19 օգոստոս 2016թ.

ք.Գյումրի

Ճ Ա Ռ

Տուժողի իրավահաջորդի իրավական դիրքորոշումը

Հարգելի դատարան,
դատավարության հարգելի մասնակիցներ,
Դռնբաց դատական նիստում քննության առնվեց քրեական գործն ըստ մեղադրանքի՝
Վալերի Պերմյակովի՝ ՀՀ քրեական օրենսգրքի 104-րդ հոդվածի 2-րդ մասի 1-ին, 5-րդ, 8-
րդ կետերով, ՀՀ քրեական օրենսգրքի 175-րդ հոդվածի 2-րդ մասի 3-րդ, 4-րդ կետերով և ՀՀ
քրեական օրենսգրքի 34-329-րդ հոդվածի 1-ին մասով:

1.Գործի փաստական հանգամանքները և մեղադրանքի էությունը.

1.1. 2014թ. մայիսի 21-ին Վ. Պերմյակովը զորակոչվել է ՌԴ զինված ուժեր և
ծառայության անցել Ջաբայկայան երկրամասի Պեսչանկա գյուղի մոտ տեղակայված
թիվ 21250 զորամասում: Ջորամաս մեկնելուց 4 օր անց իրեն այցելության եկած
ընկերներին տեսակցելու նպատակով Վ. Պերմյակովը, հրամանատարության
թույլտվությունը չստանալով, ինքնակամ լքել է զորամասը, մի քանի ժամ անց ոգելից
խմիչք օգտագործած վիճակում ներկայացել ծառայության վայր: Հիշատակված
վարքագծից ելնելով, Պերմյակովն ուղարկվել է Չիտա քաղաքի թիվ 321 զինվորական
հոսպիտալի հոգեբուժական բաժանմունք ստացիոնար հետազոտության, որի ավարտից
հետո հետազոտողները հանգել են հետևության, որ Վ. Պերմյակովը չի
համապատասխանում ՌԴ զինծառայողին ներկայացված պահանջներին և ախտորոշվել
է անձի անցողիկ խանգարում, անկայուն տեսակով՝ նշվել է, որ հոգեբույժի
խորհրդատվության կարիք ունի զինվորական ծառայության պիտանելիության կարգը
որոշելու համար:

1.2. Չիտա քաղաքի թիվ 321 զինվորական հոսպիտալի հոգեբուժական
բաժանմունքից դուրսգրման էպիկրիզում խորհրդատվություններ են տրվել հոգեբանի

կողմից՝ բժշկի դինամիկ հսկողություն, բացառել ծառայությունը զենքով կարգազրեքում և հոգեբույժի զննում մեկ ամսից:

1.3. Վալերի Պերմյակովը ընկերներին ու հարազատներին տեսակցելու նպատակով 8-10 անգամ ինքնակամ լքել է թիվ 21250 գորամասը:

1.4. 2014թ. նոյեմբերի 28-ին Վ. Պերմյակովին զինվորական ծառայության են ուղարկել ՀՀ ք. Գյումրիում տեղակայված ռուսական թիվ 102-րդ ռազմաբազայի 04436 գորամաս: Վ. Պերմյակովին ամրակցել են ԱԿՄ-74 տեսակի 1283689 համարի ինքնաձիգը՝ 689 համարի սվին դանակով:

1.5. Ըստ պաշտոնական վարկածի՝ 2015թ. հունվարի 12-ին ՀՀ Գյումրի քաղաքում տեղակայված ՌԴ 102-րդ ռազմաբազայի թիվ 04436 գորամասի տանկային գումարտակի 1-ին տանկային վաշտի ժամկետային զինծառայող Վալերի Պերմյակովը իրեն ամրակցված ԱԿՄ-74 տեսակի ինքնաձիգով, 5,45մ տրամաչափի 60 փամփուշտով և 689 համարի սվին դանակով «Մալայա կրեպոստ» կոչվող տարածքում իրականացնելով պահակային ծառայություն, ժամը 02-ի սահմաններում ինքնակամ լքել է պահակակետը և, ըստ իր խոսքերի, հագուստներ, գումար հայթայթելու նպատակով շրջել է Գյումրի քաղաքում:

1.6. Ժամը 06-ի սահմաններում հասնելով Գյումրի քաղաքի Մյասնիկյան փողոցի 188-րդ հասցեի տան մոտ՝ զենքի գործադրմամբ ավազակային հարձակման եղանակով ուրիշի գույքը հափշտակելու դիտավորությամբ դարպասի բաց դռնակից մտել է բակ, մոտեցել տանը, սվին դանակով մուտքի դռան ապակին հանելու և ներսի կողմից փականի վրա մնացած բանալիով դուռը բացելու միջոցով ապօրինի մուտք է գործել նշված տուն, որտեղ իր մոտ եղած ԱԿՄ-74 տեսակի, ինքնաձիգից ուղիղ նշանառությամբ արձակած 28 կրակոցով տեղում սպանել է նույն տան բնակիչներ Աիդա Ավետիսյանին, Հասմիկ Ավետիսյանին, Սերյոժա Ավետիսյանին, Արմեն Ավետիսյանին, Արաքսյա Պողոսյանին և մանկահասակ Հասմիկ Ավետիսյանին, որից հետո մանկահասակ Սերյոժա Ավետիսյանին առանձին դաժանությամբ սպանելու դիտավորությամբ, այն է՝ ինքնաձիգին ամրացված սվին-դանակով հինգ հարված է հասցրել մոր գրկում անօգնական վիճակում գտնվող վեց ամսական Սերյոժա Ավետիսյանի մարմնի կենսական կարևոր օրգանների՝ որոնց հետևանքով մանկահասակ Սերյոժա Ավետիսյանը հիվանդանոցում յոթ օր անց մահացել է:

1.7. Վալերի Պերմյակովը զենքի գործադրմամբ ավազակային հարձակման եղանակով ուրիշի գույքը հափշտակելու մտադրությունն ավարտին հասցնելու նպատակով, նույն տնից հափշտակելով 64.300 ՀՀ դրամ ընդհանուր արժողությամբ սպորտային գլխարկ, տաբատ, բաճկոն, մեկ գույգ կիսաճութավոր կոշիկ, §NOKIA 302!, §NOKIA 6300!, §NOKIA 7260! տեսակի բջջային հեռախոսներ և 6000 ՀՀ դրամ կանխիկ գումար, դեպքի վայրից հեռացել է:

1.8. Այնուհետև, Վալերի Պերմյակովը, ՀՀ պետական սահմանն ապօրինի հատելու դիտավորությամբ, դուրս գալով Գյումրի քաղաքի վարչական տարածքի սահմաններից, հասել է ՀՀ-ում ՌԴ անվտանգության դաշնային ծառայության սահմանապահ

վարչության թիվ 2012 սահմանապահ ջոկատի Բայանդուրի ուղեկալի սպասարկած ՀՀ պահպանվող պետական սահմանի հատված, չունենալով սահմանը հատելու իրավունք վերապահող սահմանված փաստաթղթեր, նույն օրը՝ ժամը 24-ի սահմաններում, փորձել է ապօրինի հատել ՀՀ պահպանվող պետական սահմանի Բայանդուրի 12-րդ ուղեկալի 1-ին տեղամասի հատվածը, սակայն իր կամքից անկախ հանգամանքներով հանցագործությունն ավարտին չի հասցրել, քանի որ 2015թ. հունվարի 13-ին՝ ժամը 00:12-ին, բռնվել է Բայանդուրի ուղեկալի ծառայողների կողմից:

1.9. 2015թ. հոկտեմբերի 21-ին նախաքննություն իրականացնող մարմնի կողմից տուժողի իրավահաջորդին և նրա ներկայացուցիչներին տեղեկացվել է, այն մասին, որ նախաքննությունը ավարտվել է և հնարավորություն է ընձեռվել ծանոթանալու քրեական գործի նյութերին:

1.10. Գործի նյութերին ծանոթանալու արդյունքում, ներկայացվել է միջնորդություններ՝ քննչական գործողություններ կատարելու և չպարզված մի շարք հանգամանքներ պարզելու համար: Վարույթն իրականացնող մարմնի կողմից սակայն, ներկայացված միջնորդությունները մերժվել են:

1.11. 13.07.2015թ. ՌԴ քննչական կոմիտեն իր վարույթում քննվող թիվ 14/00/0001-15 քրեական գործից անջատում է ՌԴ քրեական օրենսգրքի՝ 105-րդ (սպանությունը) հոդվածով հարուցված գործի մասը և թիվ 14/00/0018-15 քրեական գործը՝ Վալերի Պերմյակովի նկատմամբ նրա կողմից, ՀՀ տարածքում երկու և ավելի անձանց՝ ՀՀ քաղաքացիներ Ա.Ս. Ավետիսյանի, Ս.Կ.Ավետիսյանի, Հ.Ռ.Ավետիսյանի, Ա.Ս.Ավետիսյանի, Ա.Ա.Պողոսյանի, ինչպես նաև մանկահասակ Հ.Ա.Ավետիսյանի և Ս.Ա. Ավետիսյանի սպանությունը կատարելու փաստով քրեական պատասխանատվության ենթարկելու համար, ուղարկում է ՀՀ քննչական կոմիտե:

1.12. 18.07.2015թ. ՀՀ քննչական կոմիտեի քննիչ Գ. Աղաբաբյանի կողմից կայացվել է որոշում նախորդ կետում նշված թիվ 14/00/0018-15 քրեական գործը վարույթ ընդունելու և սույն գանգատի 10-րդ կետում նշված թիվ 18100115 քրեական գործին միացնելու մասին:

1.13. ՌԴ քննչական կոմիտեի կողմից չի փոխանցվել ՀՀ քննչական կոմիտե քրեական գործի նյութերի այն մասը, որը վերաբերվում է Վ. Պերմյակովի կողմից գորամասը զենքով ինքնակամ լքելու փաստով քննությանը, այն մեղադրական եզրակացությամբ ուղարկվել է ՌԴ 5-րդ կայագորային զինվորական դատարան, որի քննության արդյունքում 12.08.2015թ. Վ. Պերմյակովը դատապարտվել է 10 տարի ազատազրկման: Սույն կետում նշված գործով տուժողի իրավահաջորդները մասնակից չեն դարձվել քրեական գործի քննությանը, սակայն գորամասը ինքնակամ լքելը և Ավետիսյանների ընտանիքի սպանությունը պատճառահետևանքային կապով կապված են միմյանց հետ:

1.14. 16.10.2015թ. ՀՀ քննչական կոմիտեն գրությամբ դիմել է ՀՀ-ում տեղակայված ՌԴ 102-րդ ռազմաբազայի 04436 գորամասի հրամանատարությանը, որով խնդրել է ծառայողական քննություն կատարել այն հանգամանքների ուղղությամբ, որ Վ. Պերմյակովի կողմից ծառայության վայրը ինքնակամ լքելու փաստը հայտնաբերվել է

2015թ. հունվարի լույս 12-ի գիշերը ժամը 03:20-ի սահմաններում, և դրանից շուրջ 3 ժամ անց նոր միայն կատարվածի մասին տեղեկացվել է ՀՀ ոստիկանությունը, որի հետևանքով չեն ձեռնարկվել անհրաժեշտ և արդյունավետ բոլոր միջոցառումները Վ. Պերմյակովին հայտնաբերելու նպատակով: Վ. Պերմյակովը ծառայության վայրը ինքնակամ լքել է 12.01.2015թ. ժամը 02-ի սահմաններում, ժամը 06-ի սահմաններում հասել է Ավետիսյաններին պատկանող բնակարան, որտեղ տեղի է ունեցել սպանությունը, ՌԴ 102-րդ գործառնախի հրամանատարությունը ՀՀ իրավապահներին հայտնել է փախուստի մասին ժամը 06:00-ի սահմաններում, այն ժամանակ, երբ արդեն իսկ կատարվել էր սպանությունը: Վկայակոչված փաստի վերաբերյալ տուժողի իրավահաջորդը տեղեկացել է նախաքննության ավարտից հետո, գործի նյութերին ծանոթանալու արդյունքում և մինչև օրս որևիցե տեղեկություն չունի իրականացված ծառայողական քննության արդյունքների մասին:

1.15. ՀՀ քննչական կոմիտեում 19.11.2015թ. կազմվել է մեղադրական եզրակացություն ըստ մեղադրանքի՝ Վալերի Պերմյակովի ՀՀ քրեական օրենսգրքի 104-րդ (սպանությունը) հոդվածի 2-րդ մասի 1-ին, 5-րդ, 8-րդ կետերով, 175-րդ (ավազակությունը) հոդվածի 2-րդ մասի 3-րդ, 4-րդ կետերով և 34-329 (պետական սահմանն ապօրինի հատելը, որը հանցավորի կամքից անկախ չի հասել իր ավարտին) հոդվածի 1-ին մասով և ուղարկվել է Շիրակի մարզի ընդհանուր իրավասության դատարան:

27. 25.11.2015թ. ՀՀ Շիրակի մարզի ընդհանուր իրավասության դատարանի դատավոր Հ. Մովսիսյանի կողմից նախորդ կետում նշված մեղադրանքով գործն ընդունվել է վարույթ: Դատարանի 09.12.2016թ. որոշմամբ նշանակել է դատաքննություն և որոշել իրականացնել արտագնա դատական նիստ՝ ՌԴ 102-րդ ռազմաբազայի թիվ 04436 գործամասում 01.05.2016թ. դրությամբ գումարվել է 12 դատական նիստ:

2. Ճառի իրավական հիմնավորումները և պահանջը.

2.1. Ավետիսյանների ընտանիքի 7 անդամների կյանքի նկատմամբ վտանգը կանխելու պարտականությունն անառարկելիորեն հանդիսացել է Ռուսաստանի Դաշնության և Հայաստանի Հանրապետության պոզիտիվ պարտականությունը: (Տես՝ եվրոպական դատարանի *Tanribilir v. Turkey*, No. 21422/93, § 70, 16 November 2000, *Keenan v. the UK*, No. 27229/95, §§ 88-89, *Servet Gunduz v. Turkey*, No. 4611/05, 11 January 2011, § 63):

Այս պարտականությունն անխուսափելիորեն վերաբերում է նաև պարտադիր ժամկետային զինծառայողների կյանքի նկատմամբ վտանգն արդյունավետորեն կանխելուն ուղղված օրենսդրական միջոցառումներ և վարչարարություն ապահովելու պետության պարտականությանը (տես՝ *Ramon Alvarez v. Spain (dec.)*, No. 51192/99, July 3, 2001, *Oneryildiz v. Turkey [GC]*, No. 48939/99, § 89):

Այդպիսի կանոնների կիրառման ու վարչարարության իրականացման նպատակով անհրաժեշտ է գործուն միջոցներ ձեռնարկել զինակոչիկներին զինվորական ծառայության այնպիսի բարդություններից, բացթողումներից, սխալներից և վտանգներից

զերծ պահելու համար, ինչպիսիք կարող են վտանգել նրանց և այլ անձանց կյանքը (տես՝ *Servet Gunduz v. Turkey*, No. 4611/05, 11 January 2011, § 65):

2.2. Ռուսաստանի Դաշնությունը մինչ Վ. Պերմյակովին՝ ՀՀ Գյումրի քաղաքում տեղակայված ՌԴ ռազմաբազայում ծառայության ուղարկելը քաջատեղյակ է եղել, որ Վ. Պերմյակովը անբարեխիղճ է իր պարտականությունների կատարման հարցում և ունի անկայուն վարքագիծ:

Ռուսաստանի Դաշնության և Հայաստանի Հանրապետության կողմից խախտվել է Ա. Պողոսյանի և նրա ընտանիքի անդամների կյանքի նկատմամբ վտանգի կանխման պարտականությունը, քանի որ ՌԴ զինված ուժեր Վ. Պերմյակովին գորակոչելու պահից ի վեր ՌԴ ներկայացուցիչները տեղեկացված են եղել նրա անձնական հատկությունների և դրանց բնույթի մասին, որի մասին հայտնում են իրենց բացատրություններում, իսկ ՀՀ կողմից ՌԴ ռազմաբազայի նկատմամբ վերահսկողության բացակայությունը ի սկզբանե հանգեցրել է Հայաստանի Հանրապետությունում մարդու կյանքի նկատմամբ վտանգի կանխման մեխանիզմի բացակայությանը:

Այսպես, Վ. Պերմյակովը տառապել է «անձի անցողիկ խանգարում հիվանդությամբ, անկայուն տեսակով», միևնույն ժամանակ հոգեբուժները բացառել են նրա զենքով ծառայությունը, որի վերաբերյալ համապատասխան տեղեկություն է ունեցել զորամասը, որում նա ծառայել է, սակայն որևէ գործուն մոտեցում չի ցուցաբերվել Վ. Պերմյակովի նկատմամբ, այլ հակառակը նրան վստահվել է մարտական զենք և պատշաճ հսկողություն չի իրականացվել նրա ծառայության նկատմամբ:

ՌԴ ռազմաբազայի ներկայացուցիչները Վ. Պերմյակովի ծառայության վայրը ինքնակամ լքելու փաստի առթիվ շուրջ 4 ժամ ուշ են հայտնել ՀՀ իրավապահներին, որն էլ իր հերթին անհնարին է դարձրել Ավետիսյանների 7 հոգուց բաղկացած ընտանիքի սպանության կանխումը և զորամասը մարտական զենքով լքած Վ. Պերմյակովին ավելի շուտ հայտնաբերելը: Ըստ գործի նյութերի Վ. Պերմյակովը ծառայության վայրը ինքնակամ լքել է 12.01.2015թ. ժամը 02:00-ի սահմաններում, Ավետիսյանների տուն հասել է ժամը 06:00-ի սահմաններում:

Փաստ է, որ Ավետիսյանների ընտանիքի 7 անդամների սպանության պատճառը կայանում է նրանում, որ արդեն իսկ հայտնի պատճառներով, Վ. Պերմյակովը առհասարակ չէր կարող գորակոչվել և անցնել ծառայության ՀՀ տեղակայված ՌԴ 102-րդ ռազմաբազայում շարային ծառայության պարտականությունների ծանրության պայմաններում՝ մասնավորապես զենք կրել և վերակարգ կանգնել մարտական զենքով:

Սույն փաստերի լույսի ներքո կարող ենք պնդել, որ ոչ ՌԴ և ոչ էլ ՀՀ չի կատարել Ավետիսյանների ընտանիքի անդամների կյանքի նկատմամբ ակնհայտ վտանգը կանխարգելելու իր պոզիտիվ պարտականությունը:

2.3. Քնությունը չի եղել ամբողջական.

2.3.1. ՀՀ չի ապահովել Ավետիսյանների ընտանիքի անդամների մահվան փաստի ամբողջական քննությունը, քանի որ սպառիչ բացատրություններ չեն տրվել առ այն,

- թե ինչպես էր հնարավոր առանց շառժառիթի Ավետիսյանների ընտանիքի 7 անդամների սպանությունը, որոնց թվում նաև մանկահասակ 2 երեխաներ,
- ԱԿՄ տեսակի ինքնաձիքի գործադրման արդյունքում հարևանների կամ այլ անձանց ձայների չլսելու հանգամանքը
- Վ. Պերմյակովի մոտ չորս ժամ զենքով և զինվորական հագուստով քաղաքով քայլելու ամբողջ ընթացքում նրան չտեսնելու և Գյումրի քաղաքի տվյալ հատվածներում առկա և գործող խանութների կամ այլ հիմնարկների տեսանկարահանող սարքերով չգրանցվելու
- Վ. Պերմյակովի ներքնաշորերին հայտնաբերված անհայտ անձի արյան պատկանելիությունը չպարզելու և
- Վ. Պերմյակովի կողմից կատարված ոճրագործությունը գործելուց ժամեր առաջ բանկային հաշիվները ստուգելու պատճառների և հետագայում տվյալ հաշիվներին գումար փոխանցելու հանգամանքների չճշտելը:

2.3.2. Բացի այդ, Վ. Պերմյակովին ապօրինի գորակոչի, զենքով ծառայություն իրականացնելու, ՀՀ տեղակայված ՌԴ 102-րդ ռազմաբազա ապօրինի ծառայության ուղարկելու, զինվորական ծառայությունը մարտական զենքով թողնելու մասին ՌԴ-ի ներկայացուցիչների կողմից ՀՀ իրավապահներին շուրջ 3 ժամ ուշ տեղեկացնելու հանգամանքների վերաբերյալ որևէ պաշտոնատար անձ պատասխանատվության չի ենթարկվել: Այլ խոսքով, պետության կողմից սույն գործով քննությունը եղել է ակնհայտորեն անարդյունավետ:

2.3.3 չփարատված են մնացել մի շարք հարցեր, որոնց վերաբերյալ ոչ նախաքննության և ոչ դատաքննության ընթացքում քննություն չի կատարել, մասնավորապես.

Ա. ՌԴ քննչական կոմիտեի կողմից ՀՀ քննչական կոմիտե փոխանցված քրեական գործի նյութերի ծանոթացման արդյունքում պարզ դարձավ, որ կատարվել է Վ. Պերմյակովի կողմից օգտագործվող օդնոկլասսիկի սոցիալական ցանցի վերծանում, ըստ որի 12.01.2015թ. ժամը 13:21:00-ին օդնոկլասսիկի կայքի օգտատեր Յուլենկա Անդրեևնան հարցնում է Պերմյակովին. «Ինչ է պատահել Վալերա, ինչու է մաման ասում, որ ուզում ես փախչել»: Նշված հարցի վերաբերյալ քննությամբ չի պարզվել, թե Յուլենկա Անդրեևնան ով է և ինչ ի նկատի ուներ նման հարց տալով:

Բ. 11.01.2015թ. ժամը 11:20:35 Վ. Պերմյակովի կողմից օգտագործվող նույն կայքէջից Լյուդմիլա Պոզիբելսկայա (Պերմյակովա) էջին ուղարկվել է հաղորդագրություն հետևյալ

բովանդակությամբ՝ «Ողջունյիկ, ստուգիր հաշվեկշիռը զանգիր բանկ անվճար է 88007003800... քարտի համարը 5543860040668360 մուտքաբառը 12900666»: Այս նամակին ի պատասխան 11.01.2015թ. ժամը 12:57:29 ստացվում է հետևյալ պատասխան նամակը՝ «օքեյ, կստուգեմ կգրեմ... », այնուհետև 11.01.2015թ. ժամը 13:04:31 ստացվել է ևս մեկ հաղորդագրություն հետևյալ բովանդակությամբ «26 ռուբլի 17 կոպեկ»:

Սույն գործի շրջանակներում առկա չէ Ավետիսյանների ընտանիքի 7 անդամների Վ. Պերմյակովի կողմից կատարված սպանության շարժառիթը: Վ. Պերմյակովին պատկանող բանկային քարտի համարին 5543860040668360, փոխանցումներ կատարված լինելու հանգամանքը ճշտելու արդյունքում կարող էր բացահայտվեր նաև սպանության հնարավոր շարժառիթը կամ սպանության հնարավոր «պատվիրատուն»:

Գ. 15.01.2015թ. «Օդնոկլասնիկի» կայքէջի օգտատեր՝ «Ալեքսեյ Նիկոլայեվիչ» գրում է Վ. Պերմյակովին՝ «Շնորհակալություն (սպասիբա) այնուհետև 17.01.2015թ. ժամը 17:58:16-ին Վիկտոր Ցիգանովն է գրում Վ. Պերմյակովին «Հիանալի է Վալերյա»: 14.01.2015թ. «Վ. Կանտակտե» կայք էջի օգտատեր «Կյանքում սրան» գրում է Պերմյակովին, «ապրես դու, պատասխանում եմ դու ուղղակի խելք ես, հետո, եթե կարողանաս դուրս գաս, ես ուրախ կլինեմ», այնուհետև 15.01.2015թ. նույն կայքի օկտատեր Անդրեյ Գոլուբևը «Վ. Կանտակտե» կայքով գրում է, «քեզ ամենայն բարիք քաղաքավարի մարդ», 12.01.2015թ. նույն սոցիալական ցանցով «Անդրեյ Հարությունյանը» գրում է «... Ախպերս փախի, դու հետախուզման մեջ ես»:

Քրեական գործի քննության ընթացքում նման բովանդակությամբ նամակների վերաբերյալ քննություն չի իրականացվել, պարզելու համար օգտատերերը ովքեր են և ինչ պատճառով են նման բովանդակությամբ հաղորդագրություն գրել Վ. Պերմյակովին և նրանց հնարավոր մասնակցությունը Ավետիսյանների ընտանիքի անդամների սպանության գործով:

Դ. «Վ. Կանտակտե» կայքի գննությամբ պարզվում է, որ վերջին այցելությունը Վ. Պերմյակովին պատկանող կայք էջ եղել է 26.01.2015թ. 17:16-ին այն դեպքում, երբ Վ. Պերմյակովը 13.01.2015թ. արդեն ձերբակալվել էր և նրա նկատմամբ խափանման միջոց էր ընտրված կալանավորումը:

Վկայակոչված փաստի կապակցությամբ վարույթն իրականացնող մարմնի կողմից քննություն չի կատարվել պարզելու համար, թե ում կողմից է օգտագործվել Պերմյակովին պատկանող «Վ. Կանտակտե» սոցիալական ցանցում առկա հաշիվը:

Ե. 12.01.2015թ. Վ. Պերմյակովի կողմից իրեն ամրացված զենքով, զինվորական ծառայության վայրն ինքնակամ լքելու, բնակավայր դուրս գալու փաստը, քննության առարկա չի դարձվել, չի պարզվել այն անձանց շրջանակը թե ում անգործության կամ դիտավորյալ գործողությունների արդյունքում է Վ. Պերմյակովը զենքով ինքնակամ լքել գորամասը, չի պարզվել նույնիսկ այն անձանց շրջանակը, ովքեր պարտավոր էին վերահսկողություն իրականացնել Վ. Պերմյակովի ծառայության նկատմամբ:

Զ . 12.01.2015թ. լույս գիշերը, ժամը 02:00-ի սահմաններում, Վ. Պերմյակովի զինորական ծառայության վայրը, զինված լքելու վերաբերյալ ՌԴ 102-րդ ռազմաբազայի

հրամանատարությունը շուրջ 4 ժամ անց է ՀՀ ոստիկանությանը տեղեկացրել, որի արդյունքում ժամանակին չեն ձեռնարկվել անհրաժեշտ միջոցառումներ Վ. Պերմյակովի հայտնաբերելու ուղղությամբ: Վկայակոչված փաստի կապակցությամբ քննության առարկա չի դարձվել այն անձանց պատասխանատվության հարցը, ովքեր պարտավոր էին Վ. Պերմյակովի փախուստի մասին տեղեկացնել ՀՀ իրավապահներին:

2.2. Հայաստանի Հանրապետության կողմից կատարված քննությունը չի հանգեցրել մեղավորների բացահայտմանը, ավելին՝ արվել է հնարավոր ամեն ինչ որպեսզի խոչընդոտվի կատարվելիք քննությունը.

Ա. ՌԴ քննչական կոմիտեի կողմից ՀՀ քննչական կոմիտե է ներկայացվել իր վարությամբ քննվող քրեական գործի նյութերի այն մասը, որը վերաբերվում է Ավետիսյանների ընտանիքի անդամների սպանության փաստով կատարված քննությանը, իսկ Վ. Պերմյակովի կողմից գործումս զենքով ինքնակամ լքելու փաստի առթիվ հարուցված քրեական գործի շրջանակներում ձեռք բերված նյութերը ՀՀ քննչական կոմիտե չի ներկայացվել, որն անմիջականորեն կապված է տուժողի իրավահաջորդի ընտանիքի անդամների սպանության գործի հետ:

Բ. Կատարված հանցագործության համար մեղադրանք է առաջադրվել միայն Վ. Պերմյակովին, որն էլ «նախաքննությամբ» հիմնավորվել է նրանով, որ դեպքի վայրից հայտնաբերվել է Պերմյակովի զենքը, զինվորական համազգեստը, երկու ծխախոտի գլանակ, և վերջինս ինքնախոստովանական ցուցմունքներ է տվել: Քննություն չի կատարվել այն ուղղությամբ, թե հնարավոր էր արդյոք Պերմյակովի զենքը և հագուստը գողանալու արդյունքում անհայտ անձի/անձանց կողմից կատարված լինելու ոճրագործությունը, կամ այն հանգամանքը, որ արդյոք Պերմյակովը չի գործել մենակ, սպանելով Ավետիսյանների ընտանիքի 7 անդամներին:

Գ. Վ. Պերմյակովից առգրավված բանակային նմուշի ձևեռային ներքնազգեստ շապիկի վրա հայտնաբերվել է մարդու այրան թույլ հագեցված մանր բծեր՝ 1-4 օբյեկտներ, որի թիվ 1 և թիվ 4 օբյեկտից ստացվել է գենետիկական պրոֆիլ, տվյալ գենետիկական պրոֆիլը պատկանում են մեկ մարդու, որով բացառվել է տվյալ պրոֆիլի առաջացումը Պերմյակովից: Վկայակոչված պրոֆիլների համապատասխանությունը Ավետիսյանների ընտանիքի անդամների հետ նույնպես բացառվել է: Պերմյակովից առգրավված կանաչ գույնի զինվորական նմուշի սվիտրի վրա հայտնաբերվել է մարդու մազ, որը Պերմյակովին և Ավետիսյանների ընտանիքի բոլոր անդամների պատկանելիությունը բացառվել է:

Վկայակոչված փաստերը հիմք են տալիս ենթադրելու, որ Պերմյակովը որոշ ժամանակ գտնվել է ներքնաշորերով և անհայտ անձի արյունը և մազը նրա ներքնաշորերին և սվիտրին կարող էին պայքարի արդյունքում հայտնվել:

Ավելին, Պերմյակովից առգրավված զինվորական նմուշի ամառային վարտիքի վրա հայտնաբերվել է մարդու արյան հետքեր: Այրան խմբային պատկանելիությունը չի

որոշվել օբյեկտում արյան քիչ քանակության և հետագա մոլեկուլյար-գենետիկական հետազոտության անհրաժեշտության կապակցությամբ:

Դ. Ըստ գործի նյութերի՝ Պերմյակովը հանցագործությունը կատարելուց հետո թաքնվել է Հայաստանի և Թուրքիայի սահմանին գտնվող տնակում, որտեղից զանգահարել է ինչ-որ մի տաքսիստի և պատվիրել շաուրմա և կոլա ու տվյալ տնակում գտնվել է մոտավորապես 12-20 ժամ: Կատարված քննությամբ չի հայտնաբերվել որևիցե առարկա, իր, ծխախոտի գլանակ, որը կապացուցեր Պերմյակովի՝ տվյալ տնակում գտնվելու հանգամանքը:

Ե. Թիվ 18100115 քրեական գործի շրջանակներում Պերմյակովի կողմից տրված ցուցմունքները մեկը մյուսի հետ գտնվում են հակասության մեջ:

Թե՛ զինվորական ծառայությունը լքելու և Ավետիսյանների բնակարան հասնելու հանգամանքը, թե՛ Ավետիսյանների ընտանիքի անդամների սպանության հանգամանքը և թե՛ Ավետիսյանների բնակարանից մինչ Հայաստանի և Թուրքիայի սահմանը հասնելու և ձերբակալվելու պահը տրված ցուցմունքները հակասում են մեկը մյուսին: Պերմյակովի կողմից տրված ցուցմունքների հակասությունը մեր դիտարկմամբ նպատակ են հետապնդել ամեն գնով հիմնավորել Վ. Պերմյակովի մեղքը, ոչ թե բացահայտել իրականությունը:

Պերմյակովը 2015թ. հունվարի 13-ից մինչ օրս գտնվում է ՌԴ 102-րդ ռազմաբազայի տարածքում, որն իր պահման պայմաններով չի կարող համապատասխանել քրեակատարողական հիմնարկի չափանիշներին և հետևաբար Եվրոպական կոնվենցիայի 3-րդ և 5-րդ հոդվածների ակնհայտ խախտում է: Ավելին, Պերմյակովը գտնվելով 102-րդ ռազմաբազայում նրա նկատմամբ հսկողություն են իրականացնում նաև այն անձինք, որոնց հավանական «հանցավոր» գործողությունների վերաբերյալ տեղեկատվություն է տիրապետում նաև Պերմյակովը և իրար հակասող և այնուհետև փորձաքննությունների եզրակացություններին համապատասխանեցված ցուցմունքները հետևանք են նրա, որ Պերմյակովը գտնվում է 102-րդ ռազմաբազայի տարածքում:

Հարգելի դատարան, Դուք այդպես էլ շարունակեցիք ՀՀ առաջին ատյանի դատարանի դատական նիստերի անցկացումը 102-րդ ռուսական բազայի տարածքում, որն է ողջամիտ և պատշաճ հիմնավորումներ չներկայացնելով դատավարության մասնակիցներին, թեինչու, վերջապես, հնարավոր չէ այս դատական նիստերն անցկացնել ՀՀ առաջին ատյանի դատարանի շենքում:

Զ . Ավետիսյանների ընտանիքին պատկանող բնակարանը գտնվում է Գյումրի քաղաքի Մյասնիկյան փողոցի 188-րդ հասցեում, իսկ անմիջապես հարակից տունը թիվ 190-ն է, դիմացինը՝ 203-րդը, Լ. Մաղոյան փողոցի 223-րդ և 227-րդ հասցեներում գտնվող բնակարանները գտնվում են Ավետիսյաններին պատկանող բնակարանի հետևի մասում՝ սույն գործի շրջանակներում վկայակոչված բնակարանների բնակիչները չեն հարցաքննվել այն դեպքում, երբ նրանց կարող է հայտնի լինել տեղեկություններ, որոնք սույն քրեական գործի ելքի համար կարող էին էական նշանակություն ունենալ:

Է. Չի կատարվել՝ ՀՀ, Գյումրի քաղաքի Մյասնիկյան փողոցի 188 բնակարանում քննչական փորձարարություն՝ պարզելու համար այն հանգամանքը, թե կատարված հանցագործության (սպանություն) ժամանակ զենքի, մահացածների և մեղադրյալի փոխդասավորվածությունը, ինչպես նաև Վ. Պերմյակովի գործողությունները ստուգելու և հստակեցնելու նպատակով :

Ը.Չի կատարվել քննչական փորձարարություն, պարզելու համար այն հանգամանքը, թե ԱԿՄ-74 տեսակի ինքնաձիգից կրակոց արձակելու դեպքում, որքան հեռավորության վրա հնարավոր կլինե՞ր լսել կրակոցի ձայները և ինչ ուժգնությամբ:

Այսպիսով, հարգելի դատարան, գտնում ենք,

1. Թե նախաքննությամբ, թե դատաքննությամբ չեն բացահայտվել Ավետիսյանների ընտանիքի անդամների սպանության շարժառիթը, դրդապատճառը, առանց որի չենք կարող պնդել հանցագործության բացահայտված լինելու մասին,
2. Չեն պարզվել ՀՀ-ում տեղակայված ՌԴ 102-րդ ռազմական բազայի զինվորական հրամանատարության անմիջական պատասխանատվությունը այն հանգամանքների առաջացման մեջ, որոնց հետևանքով հնարավոր է եղել ռուսական բազայի զենքով Ավետիսյանների ընտանիքի անդամների սպանությունը
3. Չեն բացահայտվել ՀՀ-ում տեղակայված ՌԴ 102-րդ ռազմական բազայի գործունեության նկատմամբ ՀՀ-ի իշխանությունների կողմից պատշաճ վերահսկողության մեխանիզմների բացակայության և դրանց համար պատասխանատու անձինք:
4. Ավետիսյանների ընտանիքի անդամների սպանության գործով թե նախաքննությունը ու դատաքննությունը ընթացել են քրեադատավարական օրենսդրությամբ սահմանված նորմերի կոպիտ խախտումներով, որոնք էական ազդեցություն են ունեցել հանցագործության մեջ հնարավոր մեղավորներին բացահայտելուն.

Նման պայմաններում, գտնում եմ, որ չեն պաշտպանվել ՀՀ առաջին ատյանի դատարանում խախտվել են Անդրանիկ Պողոսյանի որպես տուժողի իրավահաջորդի իրավունքները, և ՀՀ-ն հանձինս նախաքննության մարմնի և առաջին ատյանի դատարանի չի բացահայտել Ավետիսյանների ընտանիքի անդամների սպանությանը մասնակից և մեղավոր բոլոր անձանց:

Ա. Պողոսյանի ներկայացուցիչ՝
19,08,2016

Ա. Սաքունց